



**ԻՇԻԾ**  
www.ichd.org  
Մարդկային  
զարգացման  
միջազգային  
կենտրոն  
International  
Center for  
Human  
Development

# ՀԱՄԱՌՈՏԱԳԻՐ

## ՄԱՍՈՒՐ ԵՒ ԿՈՌՈՒԹՅԱՅԻ ՂԵՄ ՊԱՅՔԱՐԸ

19 Ս ա յ ա թ Ն ո վ ա , Ե Ր Ե Լ Ա Ն

Ղեմ.՝ +37410 58-26-38, Ֆաքս՝ +37410 52-70-82, Էլ.փոստ՝ mail@ichd.org, Ինտերնետ Էջ՝ www.ichd.org

### ԸՆԿԱԿՈՒՄՆԵՐԻ ԽԱՀՄԵՐՈՒԿՈՒՄ

Գաղտնիք չէ, որ մամուլի անդրադարձները կոռուպցիոն դրսևորումներին ոչ-միանշանակորեն են ընկալվում հասարակության կողմից: Ոմանք դա ընկալում են որպես ինչ-որ մեկի «գլխին սարքելու» գործընթաց, ոմանք՝ որպես քաղաքական պատվեր, ոմանք վստահ են, որ լուսաբանումն ու փաստերն անհետևանք կմնան: Կան այնպիսիք, ովքեր ուրախանում են մամուլի կողմից ցուցաբերած խիզախությամբ, ոմանք դիտարկում են որպես հերթական ծրագրի կամ գրանտի շրջանակում իրականացվող անարդյունավետ միջոցառում, իսկ ոմանք էլ ընկալում են որպես կոռուպցիայի դեմ պայքարի կեղծամանակման տարրերից մեկը: Ո՞րն է ի վերջո մամուլի դերը կոռուպցիայի դեմ պայքարում:

Փորձագիտական կարծիքը, ինտուիցիան, սեփական անգորության զգացումը և, ի վերջո, թաքնված պոպուլիզը նույն միտքն են հուշում՝ «մամուլի դերը չափազանց կարևոր է կոռուպցիայի դեմ պայքարում»: Հոռետեսները կպնդեն, որ ինչ էլ մամուլն անի, արդյունքը տեսանելի չի լինելու. անիմաստ տեղը կտուժեն անհատները, լրագրողները...

Թերևս չենք սխալվի, եթե անդենք, թե կոռուպցիայի երկու կողմում էլ գերազանցապես պրագմատիկներ են, իսկ պրագմատիկների համար ճշմարտությունն այն է, ինչը գործում է: Իսկ գործում է կոռուպցիան, այն կա ամենուր, արդյունավետ է, հարմար, դյուրին: Պրագմատիկը մամուլի դերի մասին կարող է հետևյալ հստակ պատկերացումները կազմել.

- Ես կարող եմ տեղեկատվությունը թաքցնել մամուլից,
- Ես շատ փոքր եմ, որ մամուլն ինձնով զբաղվի,
- Ինձ վնասելով՝ մամուլը կվնասի առավել ուժեղներին նույնպես, իսկ այդ քայլին նա չի գնա,
- մամուլին նույնպես կարելի է կաշառել,
- մամուլն ազատ չէ, կառավարելի է, պետք է պարզապես իմանալ, թե կառավարման թելերն ուր են տանում,
- լրագրողը նույնպես մարդ է, իսկ մարդը կորցնելու բաներ ունի իր կյանքում, ունի նաև սեփական կարիքներ ու շահեր, և այլն:

### Հասարակական պահանջարկ

Ընդունված է, որ մամուլը ներկայացնում է այն, ինչի հանդեպ հանրային պահանջ ու հետաքրքրություն կա: Գուցեն ամեն ինչ չէ, որ Հայաստանում այս հենքով է հրամցվում, սակայն կոռուպցիայի թեմային ամնչվող նյութերի հանդեպ, կարծես, իրոք հանրային պահանջարկ չկա: Այն, որ Հայաստանի հասարակությունը բևեռացված է, և մեկ կողմի մասին «վատ բաներ» լսելիս, կարդալիս ու տեսնելիս մյուս կողմը հաճույք է ստանում, փաստ է: Բայց այդ «հաճույքը» դժվարությամբ կարելի է հանրային պահանջ կոչել: Պատրաստ է այսօր հասարակությունը պասիվ դիտորդի դերից ակտիվ գործողի դեր ստանձնել: Արդյո՞ք կա գիտակցում, որ լրագրողը, երբ կոռուպցիայի որևէ դեպք է լուսաբանում, անխուսափելիորեն կրում է նաև որոշակի ռիսկեր: Դժվար է մանշանակ պատասխանել: Մի բան, թերևս, հաստատ կարելի է գուշակել. դժվար թե այսօրվա հասարակությունը, հենց թեկուզ կազմակերպված չլինելու պատճառով, թևափակումը կանգնի խիզախ լրագրողին, պաշտպանի ոչ միայն նրա հիմնարար իրավունքները, այլև լրագրողական կարիերան:

## Արատավոր շրջանն ու ելքերի փնտրտուքը

Հասարակությունը թույլ է և ակնկալում է մամուլի աջակցությունը: Լրագրողները ցանկանում են զգալ հասարակության պաշտպանությունն իրենց թիկունքին, բայց չեն զգում: Իսկ հասարակությունը թույլ է, որ պաշտպան կանգնի լրագրողներին: Նման դեպքերում փոխադարձ օգնությունն է դառնում ինքնահզորացման ուղին: Կոռուպցիայի դեմ պայքարում արհեստական միասնություն լրագրողների ու հասարակության այլ շերտերի միջև անհնար է: Փոքրիկ քայլեր և հաջողություններ, փոխադարձ վստահության քայլ առ քայլ հաստատում: ահա մի դեղատոմս, որ այս պահին ամենահարմարն ու հնարավորն է թվում: Մի բան միանշանակ է. կոռուպցիայի նման բարդ երևույթի դեմ պայքարը չի կարող լինել հընթացս, ինչպես նաև չի կարող լինել խիստ պլանավորված ու դերաբաշխված: Անհրաժեշտ քայլերի շարքում են.

- փորձագետների ու լրագրողների համագործակցությունը,
- լրագրողների առնվազն ֆինանսական ազատության որոշակի աստիճան ապահովող պայմանների ստեղծումը,
- լրագրողության, հետաքննության և հետազոտության տարրերի համադրում ու նոր մեթոդների յուրացումն ու կիրառումը,
- գործընթացի մեջ հեռուստատեսության, ռադիոյի ու թերթերի, ինչպես նաև քաղաքացիական ինստիտուտների ինստիտուցիոնալ մասնակցության ապահովումը,
- կառավարության և քաղաքական ուժերի կողմից հայտարարություն-ազդակը պրագմատիկների համար. «մամուլը զբաղվելու է այս խնդիրներով, եղեք պատրաստ ու զգոն»:

Իսկ խնդիրներն իրոք շատ են: Նշենք մի քանիսը.

- կոռուպցիայի մասին ցանկացած խոսակցություն ի վերջո ընդհանրացվում և ագրեգացվում է որջ դաշտի մակարդակով և մտնում փակուղի, քանի որ մշակված չեն անգամ դրա մասին երկխոսություն ծավալելու տեխնիկական միջոցները,
- խնդիրը չափազանց փակ է և դրա շուրջ լրագրողի հետ կիսվելու թաքնված վախ գոյություն ունի,
- կոնկրետ դեպքերի շուրջ հետաքննություն անցկացնելուց մեկ քայլ առաջ գնալու՝ խորը վերլուծություններ կատարելու ունակությունների ու փորձի պակասը, խնդիրը մարդկանցից տարանջատելու անկարողությունը,
- ստվերը ինքնին մեծ է մամուլում, իսկ դա կոռուպցիոն թելերով կապվում է հայկական «հիերարխիկ» իրականության հետ,
- տարբեր ծրագրերի արդյունավետությունը մնում է ցածր մակարդակի վրա և նույնիսկ օտար պետությունների դրամաշնորհային որոշ ծրագրեր անհասկանալիորեն «խույս են» տալիս արդյունավետորեն աշխատող լրատվական կազմակերպություններից,
- մարզային լրատվամիջոցներն այսօր ավելի մեծ չափով են զուրկ ազատության պատշաճ մակարդակից,
- տնտեսությունն ինքնին լինելով կոռումպացված, լրատվամիջոցներին տնտեսական (զովազդային) կախվածության մեջ է դնում:

Թվում է՝ խնդիրների այս շարքը հնարավոր է էջերով շարունակել: Իսկ լուծումներն ուշանում են:

*Համառոտագիրը մշակվել է ՄՁՄԿ 2006թ-ի ապրիլի 13-ին կայացած՝ «Մամուլի դերը կոռուպցիոն դեմ պայքարի մոնիտորինգի և վերլուծության հարցում» վերնագրով քննարկման մասնակիցների կողմից արտահայտված կարծիքների հիման վրա: Կոր սեղանին մասնակցում էին անկախ վերլուծաբաններ, պետական պաշտոնյաներ, մամուլի և միջազգային կառույցների ներկայացուցիչներ:*

*Քննարկումը կազմակերպվել էր Բրիտանական խորհրդի աջակցությամբ:*